

地 220.67
4
1-12

泗陽縣志

子

卷首

序

凡例

姓氏

目錄

卷一

圖叙及圖

民國初修泗陽縣志序

泗陽乾隆志卽桃源志凡八卷或病其簡蓋丁康熙大水昏墊之後掇拾艱辛僅乃有此迄於今二百年矣竊謂文獻放佚久將無徵剞作新志實不可緩顧蓄此意未與邑人謀也今春邑紳張蔚西先生以書來述修志梗概將付殺青索序弁其端今而後泗陽有新志矣新志體例出自總纂蔚西先生手訂似因實創前所未有然尙以未獲一觀志稿爲憾近頃邑紳總纂王慰亭先生賚全稿見眎爲冊十有二爲卷二十有五大綱凡四子目二十又一上下古今燦然大備烏虜盛已封疆肇造必溯桃祖舊志載桃源名縣始於有元卽金淮濱縣前此則未之有考今據後漢志知漢已立縣泗陽之名不始於今又考證元立縣在初葉非末季辨明桃源非桃

泗陽縣志

卷首序

園字訛亦非明季改稱引據碣鑿卓然不磨疆域沿革舊志載分宿遷桃園地益以晉之廣陵郡本東漢淮浦縣地合而立治並未明言所割之淮浦地於宋爲何屬按淮浦於宋爲漣水縣而有淮陰縣介宿遷漣水之間竊意桃園益地當割淮陰淮陰西北境古爲淮浦地於事理爲近清河縣志亦言其淮水以北在漢當朶猶淮浦二縣之交所屬莫得而詳焉角城爲自古道淮泗者必經之地一名甬城劉文淇揚州水道記以宿州之埭橋當之大誤據水經注地當在淮陰泗口清河縣志辯之謂在桃源而確址不詳今志稿載角城在治東二十里當在今李義口是可以祛讀鄙注者之疑結李義口角城接近大小清河枝分處眞所謂左右兩川翼夾二水者也泗陽縣城濱泗襟淮泗爲主水水北曰陽則縣治宜在

泗北今乃在南寰宇記謂泗陽卽魏陽魏陽城亦在泗水南均於義未安今志稿疑爲漢泗水由成子窪入淮引杜佑宿預爲故泗口之言爲證謂在水經注以前形勢而未敢定論此雖懸測然泗水故道有此新發明足生色矣班志載泗水至睢陵入淮與酈注不合或遂有指漢泗水經睢甯至盱眙對岸之舊泗州入淮後人沿誤徑指泗盱淮水爲泗水其失愈遠抑知舊泗州非古也古泗州卽今宿遷縣唐開元遷州於盱眙對岸仍名泗州與泗水無涉古睢陵至盱眙水道爲潼水北通泗南通淮淮泗津通以致沿誤又盱眙對岸有隋通濟渠口唐宋或稱汴渠導自歸德古汴渠經永宿至泗州兩城間入淮胡渭禹貢錐指謂不知何時有此水道楊守敬歷代地理志圖直指歸徐古汴渠爲通濟渠詎知通濟渠固泗陽縣志

卷首序

不經泗陽今志稿慎于去取可稱翔實甚矣考古之難也惟泗水必經泗陽確無疑義宿預有泗口而入淮不在宿預必有兩水相觸始名爲口宿預觸泗之水曰睢睢口曰小河口在白洋河口以北恰當古宿預治南睢口亦可稱泗口如淮陰泗口可稱淮口之例推之汝潁入淮之口均可稱淮口睢泗交流睢口泗口例得通稱且漢泗水果由宿預泗口南行入淮勢當入安河窪不當入成子窪入成子窪必經泗陽治而南而泗陽治不聞有泗口在酈亭以前泗水下流改道古籍無徵大小清河分支並非改道水經注似爲可據今志稿亦頗見及此或者漢泗陽縣治原在泗水北岸後移今治亦未可知據今圖成子窪上通卜家湖逼近邑治地勢較低意必有古水道於此分泗入淮今旣開其肩簷關於歷史變遷

存疑俟考實非鑿空可比縣既有淮而溼於洪澤盱眙志泗
虹志清河志均載有洪澤鎮又有洪澤村傳聞距淮河東岸
二十里距西岸三十里四面皆際湖未能確指其處宋仁宗
時開洪澤運河自淮陰至洪澤鎮四十九里神宗時開龜山
運河自洪澤鎮至龜山五十七里避淮險洪澤鎮似卽洪澤
村洪澤有閘西與淮通又有洪澤驛洪澤館似均一地準以
地望仍當求之於洪澤湖今志稿載洪澤館在吳城吳家勒
地方相傳吳家牌坊舊基卽宋時洪澤驛站此珍聞極可貴
吳家勒與淮陰縣泗縣毘界鎮地分隸他縣而館驛則爲泗
陽所獨有證於宋運河道里之距亦合泗陽有角城又有洪
澤驛據南北津要匪惟地勝其爲裨益於考古之參證夫豈
尠哉凡此皆新志精粹處也圖表之作明今則必準測驗述

泗陽縣志

卷首序

二

古則不限金元表尤詳豁不爲苟作矣志十五卷特重河渠
自餘紀載二百年中佚聞掌故蒐集靡遺氏族有志關係羣
治極鉅藝文不立專志並具特識傳四卷皆卓然可傳者以
視舊志奚翅霄壤竊嘗論之間世述作非旦莫可就亦非一
手一足之烈張蔚西先生言庚申倡修志三載未成得老友
王慰亭陶卓如兩君歸里主政又二稔迺克歲事於此可見
茲事之難鴻篇鉅製積紙盈尺字字皆諸君子心力之所瘁
也吾因之有感矣元明以前黃河不經泗陽有灌溉交通之
利泗水附庸爲淩水爲崇河宿預置邸閣度其間人民休養
生息懋遷化居必不如輓代之蕭索至元立縣後黃河漸南
徙尙不爲患湯福新以一流寓而致巨富嘗築隄障淮又輸
財濬邗溝開漣沭二水通舟澤延數世可知壤地膏沃風浴

淳厚桃源之名頡頑武陵樂土殆不虛稱明黃河奪淮假道
汴睢渦潁均必經桃源水禍始亟隆萬尤甚清康熙初黃河
疊決崔鎮壩徐昇壩烟墩于家岡黃家嘴三義壩新莊口陳
家樓七里溝龍窩口等處縣幾沉沒又邳宿睢河決必灌桃
源桃源之民死亡流徙慘罹浩劫生機絕矣厥後河防漸固
漫溢分減之災歲以爲常洪澤河築大隄淮扼於黃湖漲必
倒漾桃源桃源劫運幾與黃河相終始咸豐初黃河北徙大
困雖蘇而元氣經數十年未復以至於今痛史不忘蓋嘗低
徊久之遠古之思不能已已今茲新志告成典麗喬皇凡百
民治於茲發軔剝而必復之機兆矣民治之要義有二曰重
農功曰興文教農功之本在水利文教之源在學校吾聞淮
陰近歲挑河無慮數十道漣水普通教育有聲於時泗陽同

隸舊淮安府屬及今孟晉是烏可量吾更敬告修志諸君子
此後泗陽應興應舉之事正多提倡之責匪異人任它日續
修縣志之資料將於是取給焉諸君子儻有意乎

中華民國十五年七月江蘇省長陳陶遺序於金陵省署瞻

園

序

國史官書重典文私家紀錄通雅俗兩者不能相入也而惟
葩經兼之古者太史陳詩以觀民風孔子採十五國風以冠
於二雅三頌而合爲一編大之極於禮樂兵刑之盛細之詳
於蟲魚草木之名或典麗而適皇或綺靡而猥瑣其要指在
辨國情而通世變非如尙書春秋格於義例專重典文不能
兼通雅俗故知葩經之編纂官私一如也余謂今之縣志亦
如是縣志官書非私家紀錄其例本乎史其義通乎經龍門
之爲史記也曰紹明世正易傳本詩書春秋禮樂之際扶風
之爲漢書也曰旁貫六經上下通洽然則志豈易爲哉吾宗
慰西君以所輯泗陽縣志見示凡爲綱四曰圖曰表曰志曰
傳爲目二十曰畺域沿革曰大事曰職官曰科第曰人物曰

泗陽縣志

卷首

序

五

地理曰古蹟曰河渠上中下曰鄉鎮曰建置曰經政曰田賦
上中下曰教育曰實業曰交通曰氏族曰名宦曰鄉賢曰流
寓曰列女釐爲二十五卷都五十萬言其分類無以異於他
志而事理通達名物賅贍取材雖限於偏隅數典必稽於冊
府言其特色蓋有五焉武功簡輿世推傑作然事物多未詳
備獻志沈博得未曾有是編於建置源流徵考靡遺採獻志
之長弭武功之憾一也水利爲民生命脈清河魯志河渠廳
汎專錄官書略於民間水道不知桑經鄙注多於禹貢且百
倍言惟其宜何必泥古是編辨析水利達於微茫披覽一過
乃如身履田間寸土寸水皆有歸宿二也物產因時因地而
異豳風月令故訓猶存諸志僅列其名略而弗詳非所以辨
土宜利民用也孟子言王政首稱穀與魚鼈不可勝食材木

不可勝用又推之至於蠶桑田宅雞豚狗彘之畜無失其時可謂瑣屑詳盡今世物理學昌明凡物之生活狀況與其產地用途皆著之於篇以供學人之研究是編列物產於實業部首遠師古人近採新說三也實業交通時政之大經民國以來諸家著錄如蕪湖新昌復縣各志皆語焉不詳是編分列專門鉅眼卓識一時無兩四也氏族一門關係生齒之繁耗風俗之醇漓古人每兢兢焉明萬歷章邱志爲志四篇條編風土藝文而外姓氏與焉見董復亨章邱志序今所傳者清道光年本無之然中經二次重修不知何時刪削其陋可哂也民國新昌志列爲專門可謂知本是編仿用之而特加詳審五也具此五特色余固知泗陽之志之善也或曰志爲史之別裁宜文簡而事賅歐陽修五代史序曰事增於前文損於舊今志無乃辭費乎不知史莫大於春秋左傳韓子曰春秋謹嚴左氏浮夸然使無左氏作傳後人更何從瞭然於春秋紀事之本末且孟子曰王者之迹熄而詩亡詩亡然後春秋作然則非但春秋爲史卽詩亦史也民俗歌謠義兼美刺瞽矇諷誦感切興亡正變貞淫悉關予奪子長孟堅知此道者也故史記博采羣書漢書包羅萬有各能條貫以成一家之言夫豈若後之摻觚者簡陋枯燥味同嚼蠟哉余觀泗陽新志斐然煥然雖未必躋於古作者之林然條理始終毋漏毋濫亦庶幾弗慚大雅者矣爰書所見以爲之序而歸之

中華民國十四年古歷夏五彭城張伯英撰

民國

第一

次修 泗陽縣志序

泗志失修久矣余捧檄來泗適省令促修志迺亟舉其事會
邑望皆先後自外歸足成余事遂皆致之使從事焉閱七月
志成將付印余乃爲之言曰嗚呼古之善治邑者能俛邑之
一事一物無不得其措置之宜是遵何道哉豈非先究心於
一邑之事物而洞悉其情形以爲措置之準而又進究其在
古爲奚若在近爲奚若證之今時以盡悉其形勢之變而灼
知其利害之歸然後酌古準今統籌兼顧敷施之以爲治故
其治隆否則弗能善也余治泗卽持此義荏苒二年餘所得
於紳民之稱述及循行鄉里之間見亦頗於此邦之風俗地
理物產人望與夫政治制度之成規略識其概而求其對於
疇昔之異同盛衰之比較則未所據以爲考覈嗚呼余將何

泗陽縣志

卷首

序

七

藉以善其治乎今志成余觀之其爲表五曰疆城沿革曰大
事曰職官曰科第曰人物爲志十一曰地理曰古蹟曰河渠
曰鄉鎮曰建置曰經政曰田賦曰教育曰實業曰交通曰氏
族爲傳四曰名宦曰鄉賢曰流寓曰列女網羅乎乾嘉以來
之遺迹旁通乎稗官野史之記載綱舉而目張大明而細備
庶足以爲此邦徵考之資而增吾牧民者治理之識則余與
於修此志其所得爲非尠矣既言之遂書以質從事諸君子
是爲序

中華民國十四年三月上旬卽乙丑年二月上旬簡任職國
務院存記知泗陽縣事歷城李佩恩敬序

泗陽縣志序

干戈定文物興教化行典章備此千古不易之理放諸四海而皆準者也泗陽介江淮之間水土瘠薄而衝煩倍之每南北有事輒爲戎馬所侵陵民生其間者應供徭役保聚未遑柔懦者苟且偷生黠傑者恃強玩法老儒耆德半就凋零新學時髦自爲風氣夫何典章文物之足云歲丙寅余承乏是邦值大兵之後徵發期會功令嚴切撫字凋殘心勞計絀適前宰邑紳王君聿望以所輯泗陽志稿見示且謀付梓以垂久遠披覽一過見其體例精詳事文華瞻凡地方之利病民俗之淳澆時局之變遷吏治之隆替莫不因端竟委釐然渙然爲治者誠能手此一篇如暗室得燈而光明四徹如瞽者得相而步趨有準如登大匠之門削墨引繩而不慮偏規錯

泗陽縣志

卷首序

又七

矩如入五都之市左宜右有鬻貴販賤而無不養欲給求於戲諸君子用心之勤如是是亦可以傳矣亟爲措貲付諸剞劂氏以期其成抑余重有感焉泗陽之始爲桃源自元初設治歷有明一代迄於前清康熙甲子凡四百餘年文登蕭公綱菴始爲作志又三百年至民國紀元桃源易名泗陽歷城李君蔭菴謀於諸君子因桃源舊志爲泗陽新志稿具未及觀成受代以去余於兵事倥傯之際權篆數月而適與斯役然則此邦文獻乃若於我齊魯人有密切之關係焉余愧無二公政績而因緣際會適觀其成寧非厚幸也歟爰濡筆而爲之序

中華民國十五年歲在丙寅孟秋署泗陽縣知事齊河郝金章撰

民國

第一
次修

泗陽縣志敘

邑志之失修將二百年矣庚申辛酉之交余再返里與邦人諸友上下論列慨然於文獻之就湮謀所以纂輯之僉曰善哉顧蒐集材料匪易則仿近世書報社先例廣告徵文每千字酬銀若干惟以文簡事賅爲準其先輩著作或存稿或刊本則以原書爲上若夫學術事功義烈貞孝傳誦人口信而有徵者則以確考年時詳敘事實爲先需之又久材料頗集僉曰是可以從事編輯矣又爲詳訂體例擬具編輯大意取通史之法較諸家之長別爲圖表志傳四綱使文以義起事以類從得三數通敏之才相與條貫綴屬其成書也日月可冀乃又不然余既遠客京師不能躬親局務其諸在籍文士與志事有關者或舍業而嬉或驚名而廢歟則虛糜歲亦屢

泗陽縣志

卷首序

八

易而殺青終於無望嗚呼是亦余之過也癸甲之際老友王君慰亭陶君卓如先後歸里懲余之往轍能言而不能行也則坐守局中專心致志目無他營者凡七閱月選聘人材調查檔案及與官廳交涉籌措經費一切事務王君主之至於編輯雖有唐君香九蔣君星府胡君雲卿張君紫藩陳君啟人諸君子分門擔任而選材運匠鴻篇鉅製一切文稿陶君主之蓋非王君無以理其繁非陶君無以集其成也是役也刻期短而程功速者則二人之力居多既脫藁陶君復挈之至京師就商於余余讀既終篇仍無以異於前定之義例而搜探闕富考證明確有出余意料所不及者雖其中微有商榷而大體弗能更易則信乎凡事需人而後成也雖然談何容易哉吾人生乎百數十年之後而欲紀述百數十年以前

之政治風俗嘉言懿行耳目既有所不接加以滄桑變易文史無徵其得之所見所聞所傳聞者言人人殊折衷鮮據間有鄰邑志乘私家紀載東鱗西爪亦僅存任伯之什一脫漏爲多然則是書之成焉敢云毫髮無憾乃或憚而不爲再閱數十年百年並此見聞異辭而亦失之更何從載筆而諸君子毅然決然爲之固已置知我罪我於度外余尤望後有作者補其闕而正其謬則亦諸君子所拜禱而祈者也而又何憾焉

中華民國十四年夏五邑人張相文謹敘

民國

第一
次修
泗陽縣志序

國志起於省省志起于縣縣顧可無志乎志必數十年一修始克信今而傳後吾縣志書自康熙二十六年蕭令創于前乾隆三年睦令修于後迄今失修者幾二百年矣由今日上溯咸同光宣時代未遠私家之著述遺老之傳聞猶能約略其梗概自咸同以上乾隆以下百數十年中卓卓可傳之人物當復不少茫茫墜緒孰與追尋當此新舊絕續之交而使一邑之忠臣孝子名儒顯宦烈士賢母節婦貞女賚志泉下莫由發潛德而闡幽光則士之辱也况自民國以來新政迭出官制變矣科舉停矣議會立而自治有基水利修而旱潦無患農林商埠實業日漸擴張郵電路航交通日形便利此皆新政之卓著者也惟是學堂徧立科學盛而國粹衰附稅泗陽縣志

卷首

序

增加田賦重而民力困識者憂之凡茲利弊之所關胥恃邑乘爲紀載庶後之人有所考鏡得以損過而就中志之修顧可緩與前此屢議興修而卒未成者患在散而不聚今年春聿望由直旋里李縣長蔭荈屬以總纂之事重以桑梓義務弗敢辭然獨力焉能肩鉅任陶君卓如博洽士也在地學會主筆有年適自京師歸蔣君星府陳君啓人自閩歸張君紫藩自甯歸合在籍之唐君香九胡君雲卿李縣長皆羅而致之聚數老學究于一室朝而徵文夕而考獻如百工居肆不牽于異物積極進行弗成弗措而吾縣長尤能熱心公益籌備周至凡食用各費按月支應無少乏羣策羣力官紳一氣自夏歷五月開局至於歲終舉二百年未竟之志業凡七閱月而適觀厥成是皆賢長官提倡之力也諸同人襄贊之勞

也 聿望敢自以爲功哉雖然功不敢居而過或難免其間微
訪容有未徧體例容有未精文字容有未工校對容有未確
倘邦人君子匡正而指導之幸甚至編纂大綱張君蔚西所
擬已盡美善蕭規曹隨無事更張云

民國十三年甲子十二月邑人王聿望謹序

桃源縣舊志序

自癸亥歲皇上允大臣請令天下郡縣皆修志蔚曾受中翰羅公龍山命修縣志東鄙猶然況大邦乎諒天下之爲邑者無小大皆有志矣丙寅冬蔚始膺一命蒞桃邑兩閱月各上臺修志之檄七八至駭詢之乃知天下獨淮屬之山陽安東及桃三邑無志然山陽物華天寶之區而亦同桃源無志也耶桃之民以十分計水去其七蝗蝻又去其二賴前藩伯慕公有微臣目覩一疏尙得遺民一分歲修失去三分之一衙門念餘皆有役又去一分之一二送銀鞘解逃人曳撥兵船絳非一分之四五不可然則桃源猶有民哉抑豈無民但無歇肩之民耳民且皆家下河嚴檄各縣募夫老幼惶愕盡廢生理本府單公懇詳淮揚道魯公公悉其困力請部院孫公泗陽縣志

卷首

十二

及況今日乎蔚告以凡事宜求之己耳己能儉自有餘貲己能勤自有餘力己能容自有餘時今己閱丁卯及夏矣以丁卯而成癸亥之書且以丁卯而成癸亥以前不知經幾癸亥之書何怪乎諸生驚書既成偕競幸數百年之邑而一旦有書雖然非書也乃鄭監門之圖耳倘各上臺覽而生憐爾必更悔書不蚤成徒使延竚以至今日也夫康熙二十六年丁卯律中蕤賓之月古桃園令東魯蕭文蔚撰

重修桃源縣志序

余奉簡命總督江南河道職掌所關歲屢周行巡視經過之處除察核水汛物料及籌畫堤掃工指授方略外輒詢及地方情形城郭若何倉庫若何學舍祠廟若何公廨若何驛站若何田賦之繁簡完欠若何戶口之盈縮若何風俗人物之淳漓盛衰若何無缺略否有起色否抑瘠疲而不能振刷否因以識令茲土者之賢不肖而爲之咨嗟爲之獎詡爲之勸勉提撕期於共底循良以仰答聖天子爲國用人祿養臣工之至意桃源古宿預淮濱地元始改爲桃源屬淮安府天文兼徐揚分野地處窪下險工林立昔年河決爲患民罹昏墊地方凋敝閱舊志令人不堪卒日雍正八年余在蘇藩任內爲地擇人見眚令人尙誠實不事雕琢心地亦復明白知其

泗陽縣志

卷首序

四

必能認真辦事於地方不無少補時任上海丞因詳委署茲土撫軍尹亦樂從焉越二年而實授既余來淮浦廉其政迹頗見稱於士民之口閱工過桃見邑中諸事果皆就緒地方亦殊改觀迥非昔比余益勉之乾隆二年十二月初九日余視河從毛城鋪歸宿桃之北門工眚令持所修桃源縣志請序余惟志之作所以紀一邑之事蹟使不至歷久而無傳且以備國家採擇焉甚盛舉也邇者朝廷念紀載之重特命督撫大臣纂修省志檄行府州縣取向所有舊志悉以陳其間有殘缺不堪者有並無鏤版者羽催飛下殊費周章令操管者毫無援據其將何所取裁乎缺一邑卽不成全書後之視今亦猶今之視昔然而簿書鞅掌才短事煩日不暇給能及此者蓋鮮矣况桃源當水陸衝道尤爲繁劇也乎眚令能留

心於此其可嘉也已至於志之體裁宜酌古準今欸目宜無遺無混敘述宜簡當該括援引宜確切詳明睦令以孝友端方才可辦事而文亦可觀保舉出身自能擅長余不具論是爲序

時大清乾隆二年歲次丁巳臘月念吉總督江南河道提督軍務兵部右侍郎兼都察院右副都御史高斌題於清江官署

重修桃源縣志序

我國家重熙累洽恩普德洋海宇昇平河流安軌幅員之廣極於無外典策之富甲於古今固已職方邊師之所不能載內史外令之所不能掌者也猶復徵集遺書輶軒四出南極滄波渤溟之中北窮赤磧紫塞之外去中國億萬餘里測日影於分至準道里於圭綫積數十年勒成皇輿圖考一書琅函燦煥彼西京班志元和郡國志雖擅美千古其何足以語此猗歟盛哉何治之隆而文之蔚也然國有紀載乃治統道統之昭垂邑有志乘實遵道遵路之明驗邑統於郡郡統於省省統於天下舉凡象緯山川人物古蹟與夫禮樂兵農方維戶賦囊括包舉於一書之中尤先必於邑志基之矣則邑志一書其可漫視乎哉予奉簡命巡轄淮徐歷有年矣襄

泗陽縣志

卷首

序

六

帷所至而兩郡十七屬之民情土俗各有不同正不啻山河之風景各殊也爰諮爰度整飭綱維期於一道同風以向時雍之化由是知採謠俗登紀載成一良史信而可徵者皆有關於世道人心也孰謂修志者非留心地方之良吏乎淮屬之桃源乃濱河衝邑向之紀載寂寥康熙初年前令蕭君奉檄承命草創急就缺略實多迄今數十餘年事與時更今楚南睦君來宰此邦政治之暇有志重修博採遺文旁蒐故實增新知而必富踵舊事以增華以至戶口之數貢賦之則河防漕運聯貫於有委有源祀秩公儀覈綜於有典有則分爲十卷列爲八綱固有美之畢登亦無幽而不闡事呈物備指列星羅可稱斯邑良史矣書成乞敘於予余惟今之邑宰猶古之百里侯也今之邑志猶古之職方書也朝廷設官詔爵

疆圉所至民社繫焉風聲所行教化繫焉而於體國經野之
方辨土宜民之制無不燭照數計而具經畫良模睦君此書
其所以潤飾廣運照臨之化者心亦苦矣功亦偉矣於以備
修郡志省志一統志者採擇焉豈僅爲桃源一邑之書而已
哉今睦君仕優績最調繁膠城猶拳拳於此書之成而後行
也其真有關於世道人心者也遂不辭濡筆而爲之序
乾隆三年三月之吉分巡淮徐等處地方江南提刑按察使
司副使加八級紀錄十次又軍功加一級呂維炳

重修桃源縣志序

躬逢聖朝輿圖之大幅幘之廣包涵乎四海之外不冒乎覆載之中雖唐虞三代未有若斯之盛者也前奉聖祖仁皇帝詔徵天下志書而窮鄉僻壤之記載無不羅而致之輦轂之下藏諸天府以備參考嗣奉世宗憲皇帝命大修一統志因而各省之志有修焉各郡之志有修焉然孰非由每縣之志彙輯而成書者乎倘縣志殘缺則纂修無本邑乘雖小其有關於王府之圖籍非淺鮮也予自丁巳夏奉 天子命來守淮郡而桃源爲淮之屬邑邑宰睦令係瀟湘俊彥羣玉賢良初來進謁予詢其邑中大概卽歷陳因革瞭如指掌併備言邑之載籍多漂沒於洪濤毅然以重修志書爲己任夫桃邑之志自知縣蕭文蔚搜羅散軼博採舊文創始成書距今不過五十餘載乃已若存若亡僅有什一於千百天下事有作者於前不可無述者於後固如是夫子因爲之獎許而鼓舞之睦令愈踴躍而從事焉卽出其稿以示予其間山川城郭之壯麗臚列如畫人物藝苑之美盛炳若日星至於河渠賦役之有關國計民生者無不補亡而訂誤焉此舉也爲朝廷定經制爲百世立章程雖一邑之典故他日爲輜軒之採擇非卽王府之圖籍也哉是爲序

時 乾隆三年二月望日知淮安府事三韓白嶸撰

擬邑志序

沈仲寅 邑侯

邑何以誌曰猶春秋紀年紀事紀人也故在天子則史之在一邑則誌之志亦猶國家之有文獻也或百年或千萬年俾後之人讀之一傳再傳而猶如昨日子宰桃邑逾年矣席不煖琴不御甫下車卽有河工之役與諸父老畚鍤以從饑未嘗食也寒未嘗衣也胼手胝足沐雨櫛風者殆非一日言之愀然今年春險工七里溝告竣方欲於簿書之暇與吾民休息之而諸事猶未就理則又惄然憂之雖然憂之何益也凡觀政事之得失德教之張弛唯於誌乎是賴前之所垂後之所師也則輯誌爲居官第一事矣時朝廷右文令都邑各輯誌以成一代同文之化然而桃之誌猶闕如也先是明萬歷年邑侯許公璞草創其略未及成書卽以晉秩去所存者無泗陽縣志卷首序

多不過鼠餘蠹口模糊數字厥後莅桃者則有錦川鄭公牧民與彭水魏公裔訥彙其遺緒而存之然猶未備予奉新令簪筆廣搜故老之傳聞追集諸家之佚說萃多士與邑大夫共輯成之誌不踰月輒告成彙爲數卷上自圖考下迄藝文序次犁然庶可觀矣桃邑瀕年水患禾麥無登傲之春秋大水則書無麥無禾予今成誌而此乃書不勝書也臨文未免愀然動色矣雖然何可以不書也居官者見民之鼓腹則聽之見民之歌哭則陳之此誌也書河事者大半異日編成以進之形埤得聖天子動容而展讀之日置座右如古豳風故事其亦今日桃民之一快也夫是爲序

康熙桃源縣志序

邑人王立身順治歲貢

書契之爲功於天下後世也大矣哉粵自伏羲氏沒黃帝堯舜氏作乃易結繩之治代之以書契舉凡九州之風土有正變有貞淫政事有沿革有汚隆人物有賢愚有進退山川有草木有禽魚或新人耳目爲昔無而今有或增人嘆悼爲昔有而今無使不有人焉一一而詳書之於策博綜而統記之何以令千載以下之人望古遙集一覽而洞若觀火列若指掌爲之觀感而隨時補救哉信乎書契之爲功於天下後世也大矣若夫邑之有志志之有書此亦古今來一大書契也吾淮之屬邑十有一其無志者桃源安東二邑而已然漣水之志自天啟年間邑宰劉公君聘己成之而桃邑志仍闕如也先是萬歷十九年邑侯許公始創其略未及成書而已陞

泗陽縣志

卷首序

二十

遷矣其稿尙有存其什一者彭水魏公觀周才名冠鄱南順治辛丑成進士康熙七年戊申夏來莅桃當河決地震百艱備嘗之日獨能感神起敝轉禍爲福請蠲之志既遂而修志之願勃然興矣己酉春爰集邑中同志如胡君兆行潘君化鰲鄭君標輩討論大略以共勦茲舉閱庚戌春遂得就緒統計是編之作大約本之淮郡天啟六年以上之編纂而以許公所存之舊稿參之續訪諸長老之所傳上自星野訖於藝文詳略雖殊而考覈鑒定視昔加多蓋實錄也嗟乎自元迄今將四百餘年而此志始成則我觀周魏父母雖屬完舊艱同創始曾向余曰邑之有志猶國之有史也余應之曰然然志之與史類而不類者也史從嚴而志從厚也縣之有志猶鼎之有銘銘之義稱美而不稱惡志之書記善而不記慝片

善微長無不悉載所以移風易俗也嗟乎書契之爲功於天下後世也大矣哉魏公將與斯志並傳千古不朽矣

泗陽縣志

卷首

序

三十一

民國第一
次修 泗陽縣志卷首

叙例

一泗陽雖屬古縣實爲民國新名凡編中徵引明清兩代事
案皆係以桃源名從其實也至於文字歸納則仍稱泗陽
以符今制

一舊志有圖志無表傳圖之簡略固不待言卽各志中蒐輯
舊聞亦多未備在當日草創爲艱何敢妄加訾議迄今又
二百年踵事增華何翅倍蓰削足就履寧曰良工張君慰
西釐訂編輯大意別爲圖表志傳四綱列目二十非求多
於前人亦以提要鉤元不如是不能賅備爾

一舊志沿革斷自金元以下然清一統志乾隆府廳州縣志
已上溯及於漢之泗陽茲編列爲專表更及周秦其南北
泗陽縣志 卷首 序例 二五二
朝之僑郡析縣亦典制所關歷史既有明文甄錄未容或
隘况有開必先他志書有同然乎

一舊志詳星野而略於晷度茲編反是夫以天文合地理爲
著作家所同認然星象之說言人人殊不如日景計里表
度可以推算而知今世地理學研究益精而龍門天官書
扶風天文志久經唾棄不用惟經緯差度足以正方位占
氣候者無不採錄加詳茲編亦沿用之庶幾一經開卷卽
知赤道距離之遠近天行人治相與循環較之象數空談
切於施用

一大事有表昉於史記宿遷志改名紀事而合於沿革海州
志則列爲專表紀載尤爲詳晰凡事之關係重要不成片
段者附見他門則檢查匪易茲編仿海州志而易紀事爲

大事年經事緯既足補舊志之遺而舉要刪煩尤能豁閱者之目

一田賦襍稅舊志已稱賦役全書散佚僅就節年陞徵蠲除報銷糧冊牽算合攏然其概數不過一萬七千八百餘兩迄於清末將二百年罔有增損民國以來徵法易兩爲元益以省附稅地方附稅其數將五倍於前而以銀合錢且至七八倍地不加闢民不加衆何以堪此誅求至於襍稅舊志缺載以意逆之必無今日之煩苛茲編備載舊額並及歷年增加之數以誌變遷之跡

一河渠水利所以節宣壅滯舊志專紀河漕當清乾隆之世視爲要政今時移勢異河湖之患雖已滅殺然前代疏濬之勞固不容湮沒而田間溝洫尤爲地方利病所關或原也或委也自宜縷析條分俾有歸宿茲編旣爲之圖並詳載事案庶關心農業者得觀覽焉

一古蹟鄉鎮舊志統於輿地茲編準同治宿遷志光緒清河志於古蹟別立專門惟鄉鎮事無先例然近代重視工商地方物產增耗集散皆於鄉鎮覘之古略今詳固其宜也一經政教育實業交通舊志所無民國憲法以縣爲地方自治之初地一切設施悉本人民公意與前代政體不同昔之政令萃於縣官一人其事簡今則立法司法行政各有職守其事繁故特闢經政一門經政中除田賦收支別有論列外而如教育昔祇有黌宮書院可以列於營建今則有教育局教育會以管一邑之學務如實業昔祇附見於風俗物產今則有實業局商會農會以資提倡如交通昔

祇有鋪遞驛站附屬於縣署今則有郵電輪鐵隨各地方之情況以設機關是皆新政之著大者也綱舉而目張之皆足以備典司資掌故分類纂輯又烏可已

一舊志名宦統於秩官志科第鄉賢流寓列女統於人物志而不爲表傳語簡事賅粗具崖略今乃別爲表傳不敢強同者良以年代悠遠人事愈繁任舉一端皆足以積成卷軸因仍舊例斯因探尋類其人而爲之表擇其事而爲之傳庶幾分別部居各得其所亦無戾於紀事之體

一氏族一門爲各志所無太平寰宇記於各州縣下略舉數姓此爲地理書兼志氏族之嚆矢今之新昌縣志遂立專章誠以社會進化必由小羣以合於大羣而情感所通尤以族屬爲易洽禮曰君子觀於鄉則孝弟之心油然而生泗陽縣志

卷首

序例

二

不止興廢盛衰足以考版籍之增耗也

一舊志有藝文一門今編從省非略也依清河上海兩志皆有藝文類然第錄其書目與著作人之姓氏未嘗及於文辭吾邑文獻既備書於傳似不必別立專門以免重複若夫鴻篇鉅製關切地方利病者並散見於各條之下因事及文於作者精神互相貫注亦足以表章先正昭示來茲一本編著錄有探自正史者有援據各家著述者有引證官府文書者至於地方掌故風俗習慣則悉依訪稿惟所見異辭所聞異辭則不能不求折衷之道例如朱德重本龍岡仲子舊志誤朱爲宋劉松年劉柏年府志缺二年字今各依朱劉譜牒改正其他類是者未易悉數然同人學識有限誤謬罣漏仍懼不免糾正之功以俟來哲

中華民國十三年冬月邑人陶懋立謹誌

泗陽縣志

卷首

序例

三五

泗陽縣志原本桃源縣志前代開創之功不可沒也茲將修纂姓氏著列簡端以誌景仰

明萬歷十九年知桃源縣事 許璞輯稿

清康熙七年知桃源縣事 魏裔訥再輯

康熙十一年知桃源縣事 沈仲寅三輯

康熙二十六年知桃源縣事 蕭文蔚創修

乾隆三年 知桃源縣事 陸邑舉人 賜翰林院檢討 胡禮全 重修

民國第一
次修泗陽縣志姓氏

督修

江蘇省 長韓國鈞

江蘇省 長陳陶遺

淮揚道 尹胡翔林

淮揚道 尹于書雲

監修

簡任職國務院存記泗陽縣知事歷城李佩恩

署理泗陽縣知事清舉人齊河郝金章

總纂

第一屆衆議院議員清廩貢生邑人張相文

總纂兼總校

泗陽縣志 卷首 姓氏

直隸候補知縣清舉人邑人王聿望

協纂兼總校

陸城第一鄉議長清廩貢生邑人陶懋立

分纂兼分校

城市議事會議長清歲貢生邑人蔣觀極

分發福建任用薦任職清庠生邑人陳佑之

清庠生 邑人張星府

清廩貢生 邑人唐畹蘭

清候選直隸州州判拔貢生邑人胡起龍

參校

吳城南市區教育會長淮安中學畢業邑人田世純

徵訪

清 庠 生 邑 人劉惟章

清 庠 生 邑 人莊昶

清 庠 生 邑 人劉燮陽

清 庠 生 邑 人張鏡波

清 庠 生 邑 人楊克鈞

清 增 生 邑 人孫士昂

清 庠 生 邑 人陳冠英

前 省 議 員 邑 人陳錫榮

欸 產 處 總 董 清 廩 貢 生 邑 人王昉

參 事 會 員 清 五 品 銜 邑 人陳佐卿

參 事 會 員 邑 人倪杰夫

縣 議 會 議 長 邑 人陳序周

泗陽縣志 卷首 姓氏 二五

縣 議 員 清 庠 生 邑 人徐紹成

縣 議 員 清 同 知 銜 邑 人韓孟琨

縣 議 員 清 庠 生 邑 人王心如

縣 議 員 邑 人徐培士

縣 議 員 清 庠 生 邑 人查裕仁

縣 議 員 邑 人張波臣

縣 議 員 邑 人祝芝蘭

縣 議 員 邑 人陳向榮

縣 議 員 江 北 師 範 畢 業 邑 人莊懋林

縣 議 員 前 縣 農 會 會 長 邑 人耿良輔

前 縣 農 會 會 長 邑 人胡傳道

江 北 師 範 畢 業 清 庠 生 邑 人陳煥

前勸學所所長邑人李景邦

順德西鄉議長長邑人許彥鏞

體仁市議長長邑人陳鎮田

城市議員清廩貢生邑人潘儒林

前城市總董邑人把正方

吳城市總董邑人王雲耕

市農會會長清庠生邑人陳仲紹

吳城南市總董清庠生邑人田建陽

吳城南市董事清庠生邑人陳鑲

陸城第一鄉董清同知銜附貢生邑人陳儒卿

陸城第一鄉鄉佐邑人余振球

臨河市總董邑人陳同瑾

泗陽縣志卷首姓氏 辛

前臨河市董事中學畢業邑人熊秉筆

洋河市市董事邑人胡址林

體仁市總董邑人陳司永

體仁市董事邑人陳俊才

洋河市市議長邑人胡邦輔

洋河市總董速成法政畢業邑人陳仰思

順德西鄉鄉董邑人陳梯

順德西鄉鄉佐邑人胡永壽

順德市總董邑人史照奎

崇河南鄉鄉董清貢生邑人夏春泖

崇河中市總董邑人王佐臣

崇河北鄉鄉佐清庠生邑人張慶餘

崇河北鄉鄉董邑人張錦春

崇河北市總董清武舉邑人倪靜亭

崇河中市董事邑人董恆榮

恩福南鄉鄉董邑人尹同兆

恩福南鄉鄉佐邑人陳康吾

恩福中鄉鄉董邑人毛銘紳

恩福市議長清庠生邑人韓石安

恩福市總董邑人鄭藹臣

第一區初級小學校校長邑人陸鈞

第六師範附設師範講習所畢業邑人胡廷坤

前陸城第一鄉副農會長邑人李前琦

師範傳習所畢業邑人王讓

泗陽縣志卷首 姓氏 三十一

高等小學畢業邑人黃露先

邑人朱漢章

繪圖

水利研究會主任邑人金韜

校印

直隸候補知縣清舉人邑人王聿望

清庠生邑人張星府

北京中國大學政治科畢業邑人陶亞民

民國第一
次修 泗陽縣志目錄

卷首

序 凡例 姓氏 目錄

卷一

圖叙及圖

縣境沿革圖二

縣境總圖

十六市鄉分圖

學區圖

縣境水道圖二

淮北水道圖

洪澤湖圖

泗陽縣志 卷首 目錄

文廟圖

武廟圖

縣公署圖

縣立小學校圖

卷二

表一

疆域沿革

卷三

表二

大事

卷四

表三

職官

卷五

表四

科第附學校畢業 議員選舉

卷六

表五

人物

卷七

志一

地理 里至 山川 形勢 關井 橋渡 晷度 氣候 風俗

卷八

志二

泗陽縣志 卷首 目錄

三十三

古蹟古蹟 塚墓

卷九

志三

河渠上 泗水 洪澤湖 黃河 運河 六塘河 附砂礪河

卷十

志四

河渠中河工 廳汎

卷十一

志五

河渠下 水利總說 水利研究會 地方水道 附興修水利議案

卷十二

志六

鄉鎮

卷十三

志七

建置 城池 公署 壇廟 寺觀 街巷 倉儲 坊表
慈善 義地

卷十四

志八

經政 縣行政 市鄉行政 縣議會 市鄉議會 戶籍 選舉 地方款產處 司法警察 警備 附保衛團

卷十五

志九

田賦上 戶口 鄉圖 田賦額 田賦增 減表
湖河租 大河衛 附加稅

卷十六

志十

泗陽縣志

卷首 目錄

三四

田賦中 灘領田 屯營田 學田 公產 失權田 荒田 雜稅 徭役

卷十七

志十一

田賦下解支

卷十八

志十二

教育 學宮 書院 教育會 附孔道會 教育局 學校 通俗教育館 公共體育場 學田 附學款

卷十九

志十三

實業 物產 實業局 農業 農會 農場 工業 商業 商會

卷二十

志十四

交通

驛遞
縣道

郵電
航路

省道

卷二十一

志十五

氏族

卷二十二

傳一

名宦

卷二十三

傳二

鄉賢

卷二十四

傳三

泗陽縣志

卷首

目錄

流寓

卷二十五

傳四

列女

